



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput XI. Observatio notabilis circa curam honoris & famæ.

---

[urn:nbn:de:hbz:466:1-73203](#)

quæ considerationem mercatur in Ecclesia Dei; imò contra quam expressa est authoritas Augustini: si qua enim violentia inferri possit honori, illa maximè quæ infertur pudicitæ nobilis & castissimæ virginis; quæ apud mundanos homines inhonorable censetur, violato claustru virginalis pudoris ipsius. Illicitam vērō esse occisionem violenti invasoris pudicitæ, Augustinus exprestè docet, uti vidimus n. 94.

## C A P U T X I .

Observatio notabilis circa curam honoris  
& famæ.

**i14** Propter dicta tamen non negamus curam habendam de bono nomine, adeoque de honore nostro; sumpto non pro excellentia, seu præferentia, quâ aliis præferimur in estimatione hominum, sed pro fama bona, quâ distinguimus ab infamibus, seu criminosis, vel de crimine suspectis. Quia cura illa non est ambitio, nec superbia; sed providentia, ne alii simus scandalo, vel etiam ut alii prodeamus possimus. Et juxta hoc Salvator dixit: *Videant opera vestra bona, & glorificent Patrem.* Et Apostolus: *Providemus bona, non solum coram Deo, sed & coram omnibus hominibus.* Eodem quoque sensu, juxta Theologiam Sanctorum, tenemur regulariter curam habere de bono nomine; tametsi cum tristitia excipere non debeamus opprobria & humiliations, bona fama nostræ adversantes, sed eas cum gaudio excipere, uti docet Evangelium suprà laudatum.

Unde Hieronymus l. 2. epist. 90. inter selectas alloquens virginem, quæ necessitatibus praetextu domi habebat virum, bona sua curantem, ex quo male suspicione oriebantur: *Quod si dixeris (inquit) mihi sufficit conscientia mea, Deum habeo Judicem, qui mea vita est testis; non euro quid loquantur homines: audi Apostolum scribentem: „Providentes bona, non tantum coram Deo, sed & coram omnibus hominibus. „ Tales estimationem hominum non imprudenter solam, verum etiam crudeliter contempnere, dicit Augustinus in l. de bono viduitatis, in fine, cum occidant animam aliorum, sive blasphemantium viam Dei, quibus secundum suam suspicionem quasi turpis, quæ casta est, displicer vita Sanctorum, sive etiam cum excusatione imitantur, non quod vident, sed quod putant. Proinde quisquis à criminibus flagitorum atque facinorum se custodi, sibi bene facit; qui quis autem & famam, & in alios misericors est. Nobis enim necessaria est vita nostra, alii fama nostra.*

**i15** Neque iis obstant ea quæ suprà diximus de opprobriis, contumelias, &c. eorumque utilitate. Hoc enim quod de iis Scriptura ibi relata dicit (sicut & Patres) non ad hoc dicit, quasi ea ultrò admittere, seu iis nos ingeneremus debeat, dum de eo voluntatem Dei aperte non cognoscimus; sed quod ob ea non debeamus contristari, nec nos inquietare, sed ea cum gaudio & patientia suscipere de manu

Domini, dum permittit ea nobis accidere; sicut de martyrio D. Athanasius pùlchre loquitur in Apologia de fuga sua, sive homilia, quæ legitur in tertio nocturno Fetti ipsius. Quod si aliqui Sancti legantur nonnulla ultrò fecisse, quibus fatti, &c. reputarentur, ex speciali instinctu Spiritus sancti id fecisse existimandi sunt, exemplo proinde admirando potius, quam regulariter imitando.

Scriptura itaque illa, & Patres, hoc solum volunt, quod Augustinus ait paulò post verba ex ipso latitudine: *Quoniam quantilibet humana castela suspiciones malevolentissimas non potest omni ex parte vivere; ubi pro existimatione nostra quidquid recte possumus, fecerimus, si aliqui de nobis vel male fingendo, vel male credendo, famam nostram decolorare conantur, adit conscientia nostra salutium, planèque etiam gaudium: quia merces nostra magna est in celis, etiam cum dicunt homines multa mala de nobis pie justèque viventibus.*

Non prohibemus ergo honorem & famam nostram defendere, imò ad id tenemur, dum honor noster necessarius est ad salutem aliorum: quod duplice ex capite potest contingere, vel quia honor Superioris necessarius est regantur subditis; vel quia honor Magistri, Concionatoris, &c. necessarius est ut doceantur discipuli, seu alii proximi. Minùs enim persuadere potest Magister, si existimetur non esse doctus; minùs etiam Concionator, si existimet dicere, & non facere, imò contrarium facere.

Igitur Superiores non raro tenentur tueri & conservare honorem, etiam sumptum pro estimatione excellentiae ipsorum: èo quod sufficientem aliqui in subditos non habeant autoritatem. Quippe ea plurimorum est dispositio, ut nisi plus aliquid in Superiori concipiatur excellentia, difficulter ei obedient, quomodo opòret. Quod dum contingit, permettere, imò subinde præcipere debent, sibi ab eis debita honoris signa deferri, specialiterque cavere, ne cum eis nimis familiariter & abjectè, velut æquales, agant, ne ipsis vilescat authoritas ipsorum; quod aliqui facile fit.

Sed videant Superiores ne in eo mentiantur iniquitas sibi, dum ex superbia fit, quod non nisi pro bono subditorum fieri debet. Audiant proinde Augustinum epist. 22. alias 64. dicentem: *Seipsum præbeat patientia & humilitatis exemplum, minùs sibi assumendo quam offertur; sed tamen ab eis qui se honorant nec totum nec nihil accipiendo, & id quod accipitur laudis aut honoris, non propter se, quibz solum coram Deo esse debet, & humana contemnere, sed propter illos accipiatur, quibus consulere non potest, si nimia dejectione vilescat.* Ad hoc enim pertinet quod dictum est 1. Timoth. 4: “ Nemo juventutem tuam contemnat. ” Hisce verbis docet Magnus Doctor, illud honoris, quod Superior recipit vel exigit a subditis, propter se recipere non debere, nec exigere, sed propter utilitatem ipsorum, &c.

saliter propter Deum, cuius toti esse, & cui in omnibus servire debemus.

**120** Estque necessaria magna ad hoc reflexio: quia, ut Augustinus subiungit, *magnum est de honoribus & laudibus hominum non latari..... Et siquid inde necessarium resinetur, id totum ad utilitatem honorantium salutemque conferre... Ista qua tecum consero, mihi dico.... quam sint difficultas. Non enim hujus hostis vires sentit, nisi qui ei bellum indixerit: quia si cuquam facile est laude carere, dum denegatur; difficile est ea non delectari, cum offertur. Et tamen tanta sententia in Deum debet esse suspensio, ut si non merito laudemur, corrigamus eos... Si autem merito laudamus proper Deum, gratulemur.... non nobis.... sed Deo, cuius dono sunt omnia, quia vere meritoque laudantur. Hoc mihi ipse canto quoridam.... Et tamen vehementer cum adversario dimicans, sive ab eo vulnera capio, cum delectationem oblate laudis mihi auferre non possum. Haec enim Doctor maximus, simul & humillimus.*

**121** Ad conservandum vero, vel defendendum honorem, sumptum pro bona fama, pluribus ex capitibus obligatio esse potest. Primo, si injuste diffamatus sit membrum corporis seu communictatis, in quam infamia redundaret. Pars enim debet consulere toti. Secundo, si talis diffamatio foret alii occasio liberius peccandi, vel suspectos habendi, ac velut suspectos depingendi eos qui pietatem profitentur, sive in Clauistro, sive in seculo. Tertio, si ob talem diffamationem vilesceret ministerium sacram, vel status v. g. sacerdotalis, vel officium Concionatoris, adeoque & verbum Dei. Quartio, si diffamatus se nimis infirmum seu non satis fortem agnoscat ad toleranda opprobria, contemptus & iritaciones ex tali diffamatione secuturas. Quinto, si puella v. g. prævidetur, vel rationabiliter metueret eventuras sibi vehementes ad peccatum carnis sollicitationes, si non defenderet honorem suum ista in materia injuste lasum. Sexto, si vilesceret, ut frequenter vilesceret, authoritas Superioris diffamati, nisi famam suam defendere contra injustos diffamatores.

**122** Atque ex his perspicue conficitur, arguidos non esse de superbia, vel humilitatis defectu, eos qui famam suam tuentur contra imposita sibi crimina: cum ad id ut plurimum teneantur aliquo ex illis capitibus. Specialiter vero ad id tenentur Clerici & Religiosi, quorum infamia ordinariè redundat in dehortationem Religionis, vel statutis Clericalis & Religiosi, quem profitentur. Prae ceteris denique ad id tenentur Sacerdotes, & maximè Parochi, aliquie ejusmodi, quibus fama bona necessaria est ut fidelibus prosint.

**123** Nec contra hoc facit exemplum lanctorum Sacerdotum vel Religiosorum, qui injuste accusati, famam suam non defenderunt; sic enim se gesserunt, quia fiduciam speciem in se senerunt, quod Deus ipse manifestaret innocentiam ipsorum; vel certe providererent ne

inconvenientia supra allegata sequentur. In eo proinde imitandi non sunt, nisi ab animabus pietate peculiari eximiis, sancti Spiritus in se impulsum in id ipsum sentientibus; sicut nec imitandi sunt in mirabilibus aliis, que Sancti extraordinarie fecerunt, super aquas ambulando, in fornacem vel cibarium accensum se projiciendo ex speciali fiducia divini adjutorii, &c.

Sciendum denique famam nunquam esse defendendam mediis illicitis, ut faciunt imprimis qui fallum crimen imponunt, sive affingunt ei, contra quem famam suam, vel suorum defendant. Hoc enim grave peccatum esse adeò certum est, ut mirum sit eō usque laxam fuisse nonnullorum Casuistarum doctrinam, ut sequentes propositiones docuerint, ab Innocentio XI. damnatas. 43. *Quod si non nisi veniale sit, detrahentis autoritatem magnum, sibi noxiā, falso criminē elidere?* 44. *Probabile est non peccare mortaliter, qui impunit falsum crimen alicui, ut suam iustitiam & honorem defendat;* & si hoc non si probabile, vix illa erit opinio probubilis in Theologia.

Secundo, famam suam illicito defendunt medio, qui sic eam defendunt, per revelationem criminis revera commissi, ut per revelationem istam non recuperent famam perditam, sed solū lēdant alienam. Quia talis defensio, non est defensio, sed vindicta: cum per eam perdita non conservetur nec recuperetur fama.

Cæterū non est generatim illicitum, honorem suum defendere cum factura famæ alterius, qui nos diffamavit. Quia nemo peccati arguit hominem, qui, ut a se avertat falsi criminis sibi impositi suspicionem, ostendit impostorem non esse fide dignum, ex hoc quod alia adhuc occasione alii similia falsa crimina affinxerit. Deinde ex Scriptura constat, vera proximi crimina aliquando revelari posse: sic enim S. Joannes Baptista, S. Stephanus, & ipse Christus revelarunt Scribarum, Pharisæorumque superbiam, avaritiam, hypocrisim, &c. Quod si famæ proximi aliquando nocere liceat per revelationem veri criminis; non est cur id non liceat, dum necessarium est ad propria famæ defensionem, contra injustum illius invasorem.

Quia tamen medium istud propriæ famæ defendenda, de numero est eorum, quæ quodammodo violenta seu dura cententur, eo utendum non est nisi urgente necessitate, dum alia non suppetunt, sicut de aliis mediis violenti, seu valde difficilibus ac duris dici solet: maximè cum teneamus ipsosmer inimicos famam nostram lacerantes diligere ut fratres; durum proinde nobis videri debeat, famam ipsorum, quālibet nos diffamantium, perdere. Unde non excusat qui ex ira & indignatione id faciunt: cum id non faciant coacti necessitate, conservata simul dilectione, sed ex vindicta potius & odii livore.

Non diffitor tamen id fieri posse cum ira 128  
sancta,

sancta, & non ex ira, quomodo Stephanus in Actis Judæos accusasse videtur. Verum utplurimum non convenit ut ira conjungatur, tum quia utplurimum ex ira sit, dum conjungitur: tum quia audientes utplurimum inde scandalizantur, dum facile fibi persuadent, id ex ira & vindicta fieri, quod cum ira sit & clamore.

<sup>129</sup> Tertio, immoderata, adeoque illicita est defensio famæ propriae per revelationem criminis alieni, dum proportio non est inter jaetoram famæ quæ defenditur, & jaetoram famæ quæ proximo causatur. Vel si proportio sit inter famæ detrimentum inflatum, & illud quod vicissim infligitur; infamia tamen vicissim inflata redundatura est in corpus integrum, v. g. in omnes Sacerdotes, vel Religiosos; non sic illa quæ per detractorem causa est.

<sup>130</sup> Quartò, illicita est, si fiat per media lege Dei prohibita, v. g. per pugnam, rixam, & à fortiori per homicidium. Non enim sunt facienda mala, ut eveniant bona, quâmque ejusmodi media aliena sint à divinis Scripturis, Evangelicisque regulis, constat ex dictis præcedenti capite. Defensionem etiam per homicidium alienam esse à doctrina Ecclesiæ, constat ex condemnatione hujus propositionis per Innocentium XI. *Fas est viro honorato occidere invasorem, qui nittitur calumniam inferre, si alterius haec ignominia vitari nequit. Idem quoque dicendum, si quis impingat alapam, vel fuisse percussus, & post inflictam alapam, vel iustum fuisse fugiat.*

<sup>131</sup> Sed nunquid saltem alapam vel fuisse percussus repercutere potest? Respondeo negativè, juxta Scripturam, & Sanctorum Theologiam. <sup>1°</sup> quia Matth. 5, postquam Dominus dicit: *Nisi abundaverit iustitia vestra plusquam Scribarum & Pharisaorum, non intrabitis in regnum cælorum,* subjungit: *Andis quia dilectum est antiquis, oculum pro oculo, dentem pro dente. Ego autem dico vobis, non resistere malo; sed si quis te percussus in dexteram maxillam tuam, præbe illi & alteram.* Nec istud merum est consilium, ut patet ex contextu; sed verum præceptum, quod præparationem animi, ut dicit Augustinus. Sensus proinde est, potius esse debes paratus ad præbendam percussori alteram maxillam, quam ad illum repercutendum. Hinc Theophilactus ex Evangelico oraculo illo colligit, percussorem non esse repercutendum, sed sustinendum: *quia non igne, sed aquâ extinguitur ignis.* Id ipsum ante dixerat Chrysostomus hom. 18. in Matth. *Quid igitur? Non oportet nos resistere malo? Oportet quidem, sed non hoc modo, verum eo quo præcepit modo, ut scilicet nos ad injurias sustinendas prebeatnus. Sic enim illum profecto superabimus: nec enim aliquando ignis igne, sed aquâ utique ignis extinguitur.*

<sup>132</sup> Dixi, ex contextu patere, quod locus ille Evangelii contineat præceptum, non mereum consilium. Et ratio est, quia Christus ibi

*Tom. II.*

ostendit, in quo abundare debeat iustitia nostra pluquam Scribarum, &c. ut intrare possumus regnum cælorum, comparando ac velet opponendo præcepta novæ legis præceptis Mosaïcæ legis, declarans ista per illa non solvi, sed perfectius adimpleri: utique præceptum de non mechando, per præceptum de non repudianda uxore; præceptum de diligendo proximum, per præceptum de diligendis quoque inimicis; præceptum talionis, *oculum pro oculo*, &c. per præceptum talis patientiæ, ut animus sit potius paratus ad præbendam alteram maxillam percussienti dextram, quam ad reddendam ipsi alapam pro alapa. Et ista est unanimis doctrina Sanctorum. Quia Chrysostomus loco citato utitur verbo *præcepit*, sicut & Augustinus, qui præter ea quæ suprà dixit, l. contra Adimantum c. 8. dicit illis Christi verbis *omnitudinem injuria remissionem in novo Testamento esse præceptum*. Similiter Hilarius in Matth. cap. 4. *Accepta alapam, maxillam alteram jubemus offerre.* Imperfectus in Matth. c. 5. vocat illud *quintum mandatum*, addens, quod secundum Christi mandatum neque percussus repercutie. Cum his S. Thomas lect. 3. in cap. 12. ad Rom. *Dominus mandauit Matth. 5. Si quis te percussus erit, &c.*

<sup>2°</sup> quia Salvator ibidem præcipit: *Dilegitis inimicos vestros, benefacie his qui oderunt vos, & orate pro persecutilibus & calumnianib[us] vos, ut suis filiis Patris vestri, &c.* repercutere vero non est diligere, & benefacere; sed vindicare se, & malefacere: cùm sit reddere malum pro malo; nec repercutiendo fiat ut alapa non sit inflicta, sed par pari reddatur, oculus pro oculo, dens pro dente, &c. quæ est iustitia Scribarum & Pharisaorum, quæ abundantior esse debet iustitia Christianorum. Alias non intrabunt in regnum cælorum.

<sup>3°</sup> quia Rom. 12. Apostolus dicit: *Nulli malum pro malo reddentes;* quod esse præcepti, laudatus Imperfectus loco citato eleganter ostendit, dicens: *Homines crueles peccare se non arbitrantur, si reddiderint mala pro malis, non considerantes quæ dicuntur in Psalmo 7.* Si reddidi retribuentibus mihi mala, decidam <sup>133</sup> merito ab inimicis meis inanis, &c. *Quacumque enim ille dinumerat merito se pati debere, si reddiderit retribuentibus sibi mala, sciant Christiani omnia illa merita se esse passuros, si reddiderint retribuentibus sibi mala. Nam & easuri sunt ab inimicis suis inanes, & persecuturus est inimicus animas eorum, & comprehensurus & conculcaturus in terra vitam eorum, & gloriam eorum (nota bene; pro ea namque captanda mundani homines percutientem reperciunt) in pulverem deducatur.*

Ex his Imperfectus concludit, legem Christi non permittere, ut percussus reperciuat, pulchre respondens vulgari objectioni: *Sed dicas, quia dignus est ille reperciuti, qui contra legem percussit. Sed tu non es dignus reperciere: quia illius discipulus es, qui maledictus*

non maledixit, percussus non repercuti, crux fixus pro crucifigentibus se rogavit. Si repercuti est ergo, primum denegasti te Christi esse discipulum, non verbus, sed factus. Deinde cum ejeceris oculum pro oculo, & frigeris dentem pro dente tuo, nunquid per hoc restituatur membrum tuum in loco proprio? Ac si aperte dicat, hoc non pertinere ad tui defensionem, cum per hoc non serves te illum, sed ad tui ultionem & vindictam, propter quod subiungit: Si ergo non reddideris malum pro malo, et si membrum corporis perdidisti, lucrum patientia acquisisti; si autem reddideris, & corporis damnum passus es, & salutis.

136 4°. quia idem Apostolus eodem loco dicit: Non vos defendentes charissimi, sed date locum ira; scriptum est enim: Mibi vindicta, & ego retribuam, dicit Dominus.... Noli vinci à malo, sed vince in bono malum. Cujus Apostolicæ sententie priorem partem Diony-  
sius Carthusianus ibi sic exponit: Non vos de-  
fendentes charissimi, repercutiendo persecutio-  
nem, cum dicat Salvator, quis te percutieris  
in una maxilla, &c. Similiter Glossa interlineari-  
aris, quam refert, approbatque S. Thomas  
2. 2. q. 64. a. 7. ad 5. Non vos defendentes,  
id est, non sive referentes adversarios.

Cujus rationem duplicum Apostolus insi-  
nuat: primam his verbis: Scriptum est enim,  
mibi vindicta, &c. quasi dicat, id pertinet  
ad vindictam, ut supra dixi; et quod reper-  
cussio non tam defensio sit, quam vindicta, ut  
etiam laudatus Imperfectus supra ostendit, prox-  
imè amplius ostensurus, & S. Thomas proximè  
laudatus aperte insinuat. Enimvero ad quid  
repercussio servit, nisi ad vindictam, cum non  
magis serviat ad honoris reparationem, quam  
ad membra per percussionem lassi redintegrationem? Neque enim honor per percus-  
sionem lassus reparatur apud Deum, Dicique ti-  
morem habentes (apud quos verus honor est  
in ferendis patienter injuriis) neque apud mun-  
danos reparatur, nisi per vindictam, quā lassus,  
& injuriam passus, de aliena pena sibi  
querit medicamentum. Quod ad vindictam  
pertinere, Augustinus term. 41. de verb. Dom.  
declarat, cum dicit: Iesus & injuriam passus  
vindicari vult, dum utique de aliena pena qua-  
ri sibi medicamentum. Imò juxta regulam mundi,  
prostus antichristianam & antidecalogiam  
(quam proinde pudor est ab Escobario  
defendi) quamdiu sumus vivere illum, qui  
alapam i. fluxu, tamdiu sumus sine honore. Quæ  
regula si vera esset, Christus sine honore fuisset,  
dum alapam percussus, percutientem vi-  
vere permisit; sicut & maritus tamdiu sine  
honore esset, quamdiu uxorem adulteram vi-  
vere permitteret. Et sic de aliis. Ista-ne dici  
possunt ab homine Christiano?

138 Prostus ergo insana est illa mundi maxima,  
nec audienda; sed audiendus potius Augu-  
stinus l. 1. de serm. Dom. in Monte c. 37. Om-  
nia in quibus improbitatem aliquam patimur,  
in duo genera dividuntur, quorum alterum est

quod restitu non potest; alterum quod potest.  
Sed in illo quod restitu non potest, vindicta so-  
latum quarti soleat. Quid enim prodit quid per-  
cussus repercuti? Numquid propriea aliquid  
quod in corpore lassum est, restituetur in inte-  
grum? Sed tumidus animus talia fomenta des-  
derat, contra Dei legem, rectamque ratio-  
nem, quam Apostolus ubi supra ratione jam  
explicata superaddit, dicens: Noli vinci à  
malo, &c. Qui vero repercuti, & malum  
pro malo reddit, non vincit in bono malum,  
sed à malo vincitur, inquit S. Thomas lect.  
3. in illum locum: vincitur namque à diabolo,  
à sua impatientia, & ab ipsomet adversario,  
a quo percussus fuit. Per consequens argumen-  
tum non dat animi nobilis, magnanimi & for-  
tis, sed ignobilis, pusillanimi ac debilis.

Imprimis vincitur à diabolo, quia (uti rut-  
sus egregie Imperfectus, sive Joannes XLIV.  
Hierosolymorum Patriarcha) diabolus ideo  
excitat aliquem, qui te percuti, ut dum tu  
excutias repercuti eum, peccas, & uno ista  
vulnerat ambo. Sic enim quia vulnerum corporis  
cito sanatur; undus autem anime in quibusdam  
vix cum labore, in quibusdam autem nun-  
quam sanatur. Ideoque si repercuti eum, in  
prima quadam facie illum viscisse videbis, reve-  
ra autem à diabolo violitus es. Et prius quia te  
satiasisti de illi, verè autem diabolum satiasisti  
de re.

Deinde vincitur à sua impatientia: quia illi 140  
succumbit. Vincitur tandem ab adversario  
suo: quia, ut Ambrosius dicit l. 1. offic. cap.  
26. vindicare se, non est actus fortitudinis, sed  
abjectionis, & timiditatis: vincitur ab inimi-  
co, non vincit, qui se vindicat. Cur ita? Quia,  
ut Tertullianus ait in l. de patient. idcirco quis  
te ledit, ut doleas: quis fractu ledens in  
dolore lassi est. Si ergo doleas, & impatienter  
feras, ille te vicit. Si suffinxis, tu viciisti. Nam  
roga inimicum (air Chrysostomus) an non do-  
leat, an non conseat se vicium, cum rides, cum  
coniemis ejus injurias? Idcirco pulchritudo Au-  
gustinus in Psal. 111. Gloriam querit, qui de-  
siderat vindicare se; sed attende quod dictum  
est: melior est qui vincit iram, quam qui capi-  
civitatem. Et fortior est qui se, quam qui for-  
tissima vincit manu.

Est autem contra rationem, veram istam 141  
gloriam postponere falsa & antichristiana  
mundi gloria, quæ ex vindicta captatur,  
quæ soli Deo reservatur Deuteron. 32. Mihi  
vindicta, & ego retribuam, dicit Domi-  
nus. Unde Tertullianus ubi supra c. 1. & 10.  
Hac (inquit) ulciscendi libido, regotum cu-  
rat, aut gloria, aut militia. Sed gloria ubique  
vana est, & malitia Domino odio/a. Hic qui-  
dem loco maximè, quia malum duplicat, quod  
semel factum est. Quid enim refert inter pro-  
vocantem & provocatum, nisi quid ille prior in  
maleficio deprehenditur, iste posterior? Uerque  
lassi Domini reus est, qui omnem nequam pro-  
hibet & damnat, quicunque precipit malum malo  
non rependendum. Et infra: Quid vindicat se,

honorem unici Iudicis, id est Dei, abstulit.

<sup>142</sup> Est etiam contra rationem, sine ratione & fructu alium repercutere. Hoc vero facit, qui eum repercutit a quo percussus est. Quia, ut iterum Imperfectus, numquid si repercuisset eum, compesceret eum, ut jam non te percutiat? sed magis excusat eum, ut adhuc te percutiat. Nam iracundia per iracundiam non compescitur, sed amplius irritatur. Quemadmodum si ignem cum igne coniungas, major flamma succenditur. Si autem non repercuisset eum, ille jam stabit (quidam sapit) confusus; si autem non sapit, fatuus. Et non solum te iterum non percutit, sed forsitan compunctiones corde peneat, quia te vel semel percussit. Attamen estis sic insanus est, ut nec patientiam tuam intelligat, nec confundatur in facto suo, numquid potes tu te amplius vindicare, quam erat Deus te vindicaturus? Ideoque si repercuisset eum, perdidisti vindictam Dei, quia tempus sum vindicasti, & liberasti eum de manibus Dei, quia reddidisti illi quod fecit.

<sup>143</sup> Accedit quod repercussione percussoris versus honor non conservetur, nec reparetur, (ut supradictum est) sed amittatur potius & maculetur, cum non sit argumentum fortitudinis, sed pusillanimitatis, animique vieti, non viatoris, prout ad confusione Christianorum Gentilis agnoverat Philosopherus 4. Ethic. 3. ubi dicit: *Sicut debilis stomachi est cibum duriorum non posse concoquere; ita pusilli animi est verbum durusculum non posse sustinere.*

#### C A P U T XII.

Nonnulla alia de homicidio & duello propositiones, cum exageratione rejicienda.

<sup>144</sup> R Ejicienda est imprimis propositione 17. ab Alexandro VII. damnata. Est licet Religioso, vel Clerico, calumniatorem gravia criminis occidere, quando aliis modis defendendi non suppetit, uti suppetere non videtur, si calumniator sit paratus vel ipsi Religioso, vel ejus Religioni publice, & coram gravissima viris predicta impingere, nisi occidatur. Item 18. Licet interficere falsum accusatorem, falsos testes, ac etiam Iudicem, a quo iniqua certio imminet sententia, si alia via non potest innocens damnum evitare. Quas etiam propositiones Facultas Lovan. priorem anno 1653, posteriorem an. 1657. damnaverat, & Conventus Generalis Cleri Gallicani anno 1700. censuit scandalosar, erroneas, Decalogo aperi repugnantes, cadibus patrocinantes, & Magistratibus, spissae humanae societati certam perniciem intentantes.

<sup>145</sup> Item rejicienda est 19. ab eodem Alexander VII. patiter damnata: *Non peccat maritus occidens propriam auctoritate uxorem in adulterio reprehensam. Nam, ut idem Gallicanus Conventus censuit, si erronea, crudelitatem privatamque vindictam approbat, uti satis colligitur ex dictis cap. precedentibus. Unde can. 9. 33. q. 2. ex Augustino dicitur, secundum legem Christi licetum est adulteram occidere.*

Tom. II.

Atque hinc a fortiori bene infertur, illicet <sup>146</sup> quoque esse, occidere eum qui te alapam, vel fuisse percussit: cum atrocior sit injuria marito illata per adulterium, quam alteri per alapam, vel iustum fuisse.

Non me latet, novitios Casuistas aliquos <sup>147</sup> praetendere, inter alapam & adulterium illud esse discriminis, quod adulterium sit in se quid ultimò completum, nec occidente conservari queat honor per adulterium laesus, utpote irreparabilis & irrecuperabilis: honor vere, per inflictam alapam laesus, adhuc conservabilis sit, vel saltem recuperabilis per repercussionem vel occisionem percussoris, incontinenti factam: eò quod inflictio alapam non sit ignominia moraliter ultimò completa, nisi dum per fugam vel aliter impeditur percussio vel occiso, per quam impeditur ultimum istius ignominiae complementum. Et idem repercussio vel occiso incontinenti facta, secundum iplos, non habet rationem vindicta, vel reparationis honoris jam complete perditi; sed conservationis, & defensionis honoris adhuc quodammodo pendentis.

Ita illi; sed turcice, seu ethanicè potius quam <sup>148</sup> christianè. Est enim diabolica illa mundi maxima, per quam diabolus innumeras animas perdit. Conveniebat proinde a Theologis Christianis mundanam illam Philosophiam ex divinis Litteris reformari, atque in christianam commutari, utpote preceptis evangelicis rectaque rationi adversantem, ut suprademonstravimus. Non est ergo ista sapientia desueta descendens, sed terrena, animalis, diabolica, ut beatus Jacobus loquitur in Canonica sua c. 3. sicut terrenus, animalis, diabolicus, non verus & christianus est honor emptus vel redemptus occisione, vel etiam repercussione percussoris. Honor profecto simillimus honori empto vel redempto per occisionem uxoris adulteræ, vel per acceptationem duelli, vel provocationem ad illud, de quo infra.

Quæcumque enim pro discrimine proferunt Adversarii, omnino gratis ac voluntarie proferunt. Nam si inflicta per alapam ignominia à mundanis hominibus non censetur moraliter ultimò completa, nisi dum per fugam vel aliter impeditur occiso adulteri vel adulteræ incontinenti facta, per quam mundani homines censent ultimum illius complementum impediti. Quemadmodum ergo, non obstante ista mundi maxima, seu estimatione, occiso adulteri, vel adulteræ, licet incontinenti facta, vere apud Deum & sapientes non est defensio, sed vindicta, seu index honoris deperditi reparatio, seu velut compensa-